

貪魔見斯事已於其毒心重興惡計即令路傷及業羅漢以像
 淨風及善母等於中變化造立人身禁囚明性放大世界如是
 毒惡貪慾冥身雖復微小一一皆放天地世界業輪星宿三灾
 四圍大海江河乾濕二地草木禽獸山川堆阜春夏秋冬年月
 時日乃至有礙无礙无有一法不像世界喻若金師摸白象形
 寫指環內於其象身无有增減人類世界亦復如是其彼淨風
 取五類魔於十三種光明淨慧囚禁束縛不令自在魔見是已
 起貪毒心以五明性禁於冥身為小世界亦以十三元明暗力
 囚固束縛不令自在其彼貪魔以清淨氣禁於骨城安置暗相
 裁時死樹又以妙風禁於筋城安置暗心裁時死樹又以明力
 禁於脉城安置暗念裁時死樹又以妙水禁於冥城安置暗思
 裁時死樹又以妙火禁於皮城安置暗意裁時死樹貪魔以此